

# INUIT ATAQATIGIIT INATSISARTUNI



UKA2022/79

Ulloq saqqummiivik: 19.10.2022

Illit atit: Mikivsuk Thomassen

**Tarnikkut atugarliorneq aammalu imminut toqunnissamut ernumanartoqarneq akiorniarlugit innuttaasut tarnikkut ikiueqqaarsinnaanissamut pikkorissarfissaannik periarfissiisoqarnissaanut suliniutissat pilersaarutitik Naalackersuisut suliaqarnissaat pillugu Inatsisartut aalajangiiffigisassaattut siunnersut. Sammisami attuumassuteqartut, uanilu immikkut piffinni ingerlatsisut kommuunillu suleqatigineqarnissaat Naalackersuisunit annertuumik anguniarneqassaaq. Periusissiatut pilersaarutit kingusinnerpaamik 1. juni 2023 piareereersimassapput.**

(Inatsisartunut Ilaasortaq Anna Wangenheim, Demokratit)

Siullertut qujarusuppunga saqqummiisumut taama pingaaruteqartsigisumut, kiisalu ajornartorsiutip annertuup qaanginiarnissaanut suliat ingerlaavartuunissaannik periarfissaasinnaasunik nuna tamakkerlugu ujartuisinnaaneq pingaaruteqartuummat.

Tarnikkut nanertuuteqaraanni imaannaanngitsumillu inissisimanermi allatigullu aqqusaagaqaraanni ullut nalunaaqutallu aalingersimasut takkuttannginnerat nanertuutaasinnaasut soorunami inuunermi aqqusaakkat tunngaviuilluinnartarput piffiit apeqqutaalluinnarmata Inuit Ataqatigiinniit imminut toquttarneq allallu pinaveersaartsitinermi nunarput siammasissumik ingerlatsisoqartarnissaa suliniutillu illoqarfinnut nunaqarfinnullu siammarneqarnissaat pingaartsikkatigit eqqumaffigineqarnissaallu.

Nunarsuarmioqataavugut inuiappassuit assigiinngissitaartuuneranik ineriartornerannullu mallinnaaniartuulluta, ineriartornerullu qanoq sukkatigineranik takunnissinnaanerput tusaanerpullu pingaaruteqarpoq.

Inoqarfilik siammasissumik inooriaaseqartunilu assigiinngilluinnartumik, inooriaaseq assigiinngissitaartsillugu nalimmassaasinnaaneq

# INUIT ATAQATIGIIT INATSIARTUNI



pilersaarusiorsinnaanerlu inoqarfiit peqataatsinneqanngikkaangamik killilimmik angusaqartoqarsinnaanera ilisimaaraarput taamaammat isumaqarpunga inoqarfinni inuttaasut piginneqataalernissaat pingaaruteqarluinnartoq.

Imminut toquttarneq akiornissaanut tamatta pisussaaffeqarpugut peqataanissatsinnut, kiisalu inummiit inummut akisussaaffeqarnerput tigusariaqarparput, saniligut peqatigut takusagut tusaasagut ikiuussinnaanermik takutitsiffigisinnaasariaqarpavut, soorunami ikiorneqarnissamik pisariaqartitsigut peqatiginissaat pingaaruteqarluinnarpoq ikorfaartorneqarnissaat siunnersorneqarnissaminillu ammaffiginissaat.

Eqqarsaatilli ajornartorsiutit pigitillugit nalunaaqutarlersortuunnginnerat naqissuserusuppara, piffimmiit piffimmut nikerarsinnaaneri qaammammiit qaammammut piffimmeersinnaapput ullormiit ullormoorsinnaapput takkuttoortoqarsinnaallunilu sukkulluunniit.

Oqaloqatiginnilluniuna oqaatsit sumiorpaluutit inuttut oqaloqatiginnilluni pingaaruteqarsinnaasoq tamannalu pingaaruteqarluinnartoq naqissuserusuppara.

Kommunit pisortallu pigisaat allallu namminneerlutik aaqqissuussisartunut kajumissuserlu aqqutigalugu suliaqartartunut qanittumik suleqatigineqarnissaat pingaaruteqarluinnarpoq.

Siunnersuutigineqartoq paasilluarlugu Inuit Ataqatigiinniit taperserlugu oqaatigissavarput.